

مجموعه سنون

او

جمعیت علمیه عثمانیه

اردیبهشت سنه

نومرو ۲۸

ربیع الآخر

استانبول

جمعیت علمیه عثمانیه مطبعه سنده طبع اولانمشدو

۱۲۸۱

ممالك شرقیه ده اولوجه له علم تاریخ تدریسی معیار اولدیغندن
اسیر عادت اولار عنده درس مذکور نظر تعجب ایله منظور ایسه ده
حقیقته اصل شو ذهاب شایان استغراب اولوب چونکه تاریخ دخی
علوم معتبره دن معدود اولدیغی حالده دیگر لری کی تدریس اولتی
شرفندن محرومیتی ندن لازم کلسون فن تاریخ مجرد اکتیجه اولتی
اوزره مطالعه اولتور امثال و حکایات قیلندن عد اولتور ایسه
فی الحقیقه اوخالده علم وجهلی مساوی اولوب تدریسه حاجت قالمز
فقط بزی اسلافه معاصر و هر یرده حاضر و ناظر ایده جک بویله
بر علم جلیل المنافع اکا مقبس اوله ایوب خاصه تعلیمه اعتنا اولتی
لازم کله جکی مسلم ارباب نهادر

(منیف)

(خلاصه پولیتیکه)

دانیمارقه ایله اوستریا و پروسیا دولتری بیننده پکنلرده عقد اولنان
مقدمات صلحیه سندینک ترجمه سیدر
اوستریا دولتنک مرخصلری قونت دو رخبرغ و بارون دوبره تر
دانیمارقه دولتی طرفندن مرخص تعیین قلنان موسو غواد و قولونل
دو قاوغان و پروسیا دولتنک مرخصلری موسو دو بیسمارق بارون
دو ورترا مور اجنبیه نظارتی دائره سنده قونفرانس صورتنده
اجتماع ایدرک یولنده بولنان رخصتنامه لری یکی دیگرینه بالا رائه
زیرده بیان قلنان مقدمات صلحیه قرار ویرمشردر

برنجی ماده حشمتلو دانیمارقه قرالی حضرتلری شلزو یغ وهولشتاین
ولانورخ دوقه لقلری اوزرنده اولان کافه حقوقی حشمتلو اوستریا
ایمپراطوری و پروسیا قرالی حضراتنه ترک ایله برابر مشار الیهما
طرفلرندن مذکور دوقه لقلر حقنده اتخاذا اولنسه حق صورتلرک
تصدیقنی تعهد ایدر.

ایکنجی ماده شلزو یغ دوقه لغنک ترکی مذکور دوقه لقلر ملحقساتندن
اولان اطهرله قاره ده بولنان اراضینک کافه سنی شاملدر. تحدید
حدود ماده سنک تسهیل و شلزو یغ اراضیسی ایچنه کیرمش اولان
یوتلاند اراضیسنک وضع جغرافیسندن نشأت ایده جک محاذیرک
دفعی ایچون حشمتلو دانیمارقه قرالی حضرتلری جغرافیا خریطه لرنده
کوستریلان ریب ناحیه سی حدود جنوبیه سی خطنک جانب
جنوبیسنده واقع یوتلاند اراضیسنی و یوتلاند ملحقساتندن اولان
موکلتوندرن اراضیسیله امر و جزیره سنی و فوهر و سیلت و روئو
و دیگر بعض جزیره لک دخی یوتلاند ملحق اولان قطعه لرینی حشمتلو
اوستریا ایمپراطوری و پروسیا قرالی حضراتنه ترک ایدر. مشار الیهما
حضراتی دخی شلزو یغک ذکر اولنان اراضی متروکیه مقابل اوله جق
اولان واروئه جزیره سی مستثنا اولق اوزره مذکور ریب ناحیه سنک
شلزو یغک قطعات سائر سنه التصاقنه و یوتلاند و شلزو یغک قولدنغ
طرفنده بولنان حدودینک تصحیحنه مدار بولنان قطعه سنک شلزو یغ
دوقه لغندن افرازیله دانیمارقه ممالکنه الحاقنه موافقت ایلر اروئه
جزیره سی بو مبادله یه بالکز جغرافیا جه اولان وسعی نسبتنده داخل
اوله جقدر تحدید حدود مسئله سنک تفصیلاتی مصالحه سند قطعیسنده
تعیین اولن جقدر.

اوجنی ماده کرک دانیمارقه ممالکنک و کرک شلزوینغ و هولشتاین و لاونبورغ
دوقه لفلرندن هر برینک کندو حسابنه اوله رق عقد اولان استقراضارک
تأدیه سی بومملکتله عائد اوله جق و دانیمارقه دولتی نامنه عقد اولان
استقراضار دانیمارقه ممالکنه متروک دوقه لفلر بیننده طرفینک مقدار
نفوسنه نسبتله تقسیم اولنه جقدر. بیک سکر یوز التمش اوج سند سی
شهر کانون اولنده دانیمارقه دولتی طرفندن انکلترده عقد اولوب
کندوسنه عائد اوله جق اولان استقراض ایله دول متفقنه ک و قوعبولوب
دوقه لفلر جانندن تسویه قلنه جق اولان مصارف جزویه لری اشبو
تقسیمدن مستثادر.

دردنجی ماده طرفین معاهدین اشبو معاهده یه ذیل اولان بر تو قولده
مندرج شرائط ایله اغستوسک ایکسندن اعتباراً طرفین عسکرینک
ضبطنده بولان محللار اللرنده قالمق اوزره بر متار که عقدینی تعهد ایدر لر.
بشجی ماده اشبو مقدمات صلیحه سندی امضا اولندیغنی متعاقب
طرفین معاهدین مرخصلری صلح قطعی مذاکره سیچون ویانه ده
اجتماع ایده جکلر در.

اشبو مقدمات صلیحه نک اساس اتخاذیله صورت قطعی ده عقده صالحه
ایتمک اوزره ویانه ده تجمع ایتمش اولان مرخصلر بیننده امور مالییه
متعلق بعض اختلاف و قوعنه مبنی شمدی یه قدر معاهده مطلوبه نک
عقدی ممکن اوله مامش و بونک ایچون تعیین اولنمش اولان متار که مهلتی
دخی یکن ایلولک اون بشنده منقضی اولمش اولغله متار که مذکوره عقد
مصالحه اولنجیه قدر بلا مدت تمدید قلمشدن.